

Møtereferat

Dato: 30.08.2016

Emne:	Referat RMNF-AU - 29.08.2016		
Til stades:	Kjell Håland, leiar Kjell Søvik, nestleiar		
Forfall:			Sak: 2014/558-208
Møtetid:	08:30-10:25	Møtestad: Fylkesutvalssalen, fylkeshuset	

Møteleiar: Kjell Håland**Referent: Ingeborg Borgen Takle, sekretær/rådgjevar****Sak 20/16 Konferansar hausten 2016**

Stiftelsen SOR arrangerer konferansen «Bra i livet» i Oslo 27.-28. oktober. Tema er ny NOU om menneske med utviklingshemming – ideologi, rettigheit og verkemidlar, og konsekvensar for utviklingshemma, deira familiar og tenesteytarar. Søknadsfrist er 26. oktober, og det er 300 kr billigare per person ved påmelding før 15. september. Konferanseavgift, dagpakke og middag vert kr 4270 per person (med påmelding før 15. september).

Folkehelsekonferansen vert arrangert i Bodø 17.-18. oktober. Tema er «Folkehelse på tvers». Ein kan melde seg på til konferansestart, men det er 150 kr billigare om ein melder seg på litt før. Konferanseavgift, middag og overnatting vert kr 5980 (med påmelding litt før konferansestart).

Nettverk for universell utforming i regional og lokal kollektivtransport vert på ny arrangert 16.-17. november i Oslo. Program er ikkje ferdig enda. Tidlegare er det Kjell Søvik og Harald Norheim som har representert RMNF.

Vedtak

Konferansar hausten 2016 vert lagt fram som ei politisk sak på neste rådsmøte.

AU vedtek følgjande om konferansane:

1. SOR-konferansen vert opna for deltaking for to personar. Mail vert sendt til rådsmedlemmane der dei vert bedt om å melde seg om dei ønskjer å delta.
2. Kjell Håland, leiar, deltek på folkehelsekonferansen i Bodø.
3. Nettverk for universell utforming i regional og lokal kollektivtransport er eit viktig nettverk, og AU ser helst at deltakinga vert styrka med ein politikar som og sit i utval for miljø og samferdsel. AU ønskjer at to medlem deltek på denne konferansen.

Sak 21/16 Møteplan 2017

Ei sak om møteplan 2017 for rådet sine møte er skriva og utkast til møteplan vart lagt fram for AU,

Vedtak

Møteplan 2017 vert lagt fram som politisk sak på neste rådsmøte. AU hadde nokre innspel til nye datoar og desse vert lagt fram munnleg når saka kjem opp neste rådsmøte.

Sak 22/16 Temadag 2017

RMNF vedtok at rådet skulle arrangere ei temadag i 2017, før påske. Dato som er føreslått er 28. mars. Rådet bør allereie nå vurdere dato, hotell, tema og program.

Vedtak

Temadag 2017 vert lagt fram som politisk sak på neste rådsmøte. AU ber rådsmedlemene om å kome med innspel til tema for dagen til møtet. Administrasjonen får fullmakt til å reservere hotell til temadagen. Det er ikkje ønskeleg å vere på Hotell Terminus, men både Ørnen og SAS Bryggen er aktuelle hotell, dette grunna tilgjengelegheit. AU ønskjer at tid for konferansen skal vere kl 9-15.

Sak 23/16 Ønskje til budsjett 2017

Fylkesrådmannen sitt forslag til budsjett vert lagt fram i midten av oktober. Før den tid er det mogleg å påverke administrasjonen i sitt forslag, og etter den tid er det mogleg å påverke politikarane. Rådet kan kome med innspel på rådet sitt eige budsjett eller på budsjettområdar som er særskilt viktige for rådet si målgruppe. Ønskjer rådet ei gjennomgang av budsjettet på rådsmøtet i november?

Vedtak

Ønskje til budsjett 2017 vert lagt fram som politisk sak til neste rådsmøte. AU ønskjer ei gjennomgang av budsjettet på rådsmøtet i november.

Sak 24/16 AU-møte i oktober

Etter at møteplanen vart sett har utval for kultur, idrett og regional utvikling (KIRU) endra tid for møtet i oktober. Derfor kolliderer dette med AU-møtet som er sett til 12. oktober. Leiar i RMNF sit som nestleiar i KIRU og derfor må møtet flyttast.

Vedtak

AU-møtet i oktober vert flytta til 19. oktober.

Sak 25/16 Brannrutinar i fylkeshuset

Det har kome nye brannrutinar i fylkeshuset som gjeld menneske med nedsett funksjonsevne.

Vedtak

AU ber om å få ei orientering om dei nye brannrutinane i fylkeshuset på neste rådsmøte.

Sak 26/16 Skuleskyss – endringar

FFO Hordaland sendte ei mail for å informere om at det har vore endringar i retningslinene for skuleskyss. Det var ikkje tydeleg i mailen kva som var utfordringa. Det er derfor vanskeleg for AU å gjere noko konkret med saka.

Vedtak

AU ber om å få ei orientering om skuleskyss og dei endringane som er gjort på neste rådsmøte. Det er og ønskeleg å verte orientert om kvifor RMNF ikkje har fått ei moglegheit til å kome med innspel til denne endringa.

Sak 27/16 Endring i sekretariatet

Det vart informert at Ingeborg Borgen Takle skal ut i permisjon frå 6. desember 2016 til og med 31.12.2017. Ho vert erstatta av ei vikar, men korleis arbeidsoppgåvene vert fordelt er ikkje bestemt enda.

Vedtak

AU tek saka til orientering, men ønskjer å spele inn at det er viktig med kontinuitet i sekretariatet og at ein ønskjer ein person gjennom heile perioden.

Sak 28/16 Kultur – synfaring

Rådet har vore oppteken av kultur og tilgang til kultur. AU er informert om at Hordaland teater skal opne ei ny scene i sentrum. Fylkeskommunen eiger Hordaland teater.

Vedtak

AU ønskjer ei synfaring på Hordaland teater i samband med neste møte. Administrasjonen sjekkar om det er mogleg.